

আর্জেন্টিনায় নয় পুলিশ কর্মকর্তার কারাদণ্ড

আর্জেন্টিনা : এক কিশোরকে গুলি করে হত্যা করা হয়। তার তিন বন্ধুর ওপর চালানো হয় অকথ্য নির্যাতন। কিশোররা গরিব ঘরের এবং ‘শ্যামলা’ বর্ণের বলে পুলিশ তাদের ওপর গুলি চালিয়েছিল বলে অভিযোগ।

অভিযোগ প্রমাণিত হওয়ায় নয় পুলিশ কর্মকর্তাকে বিভিন্ন মেয়াদের কারাদণ্ড দিয়েছে আর্জেন্টিনার আদালত। ২০২১ সালের ঘটনা। ফুটবল প্রশিক্ষণ শেষে গাড়িতে বাড়ি ফিরছিলেন বুয়েনস আইরেসের চার কিশোর। হঠাৎ একটি গাড়ি পিছন থেকে তাড়া করে। সেই গাড়িতে কিছু লেখা না থাকায় দুর্বৃত্তরা তাড়া করেছে ভেবে নিজেদের গাড়ির গতি বাড়িয়ে পালানোর চেষ্টা করে কিশোররা। পেছনের গাড়ি আরো গতি বাড়িয়ে চলে আসে কাছে, চালানো হয় গুলি। দুটো গুলি লাগে লুকাশ গঞ্জালেসের মাথায়। গাড়িতেই লুটিয়ে পড়ে সে। তারপরও চলে নির্যাতনমুক্তার আগ পর্যন্ত ১৭ বছর বয়সি লুকাশের গায়ের বিভিন্ন স্থানে চেপে ধরা হয় ঝলন্ত সিগারেট। মঙ্গলবার ২০২১ সালের নভেম্বরের সেই হত্যা ও নির্যাতনের ঘটনার রায় ঘোষণা করেছে বুয়েনস আইরেসের আদালত। হত্যা ও নির্যাতনে সরাসরি জড়িত থাকায় যাবজ্জীবন কারাদণ্ড হয়েছে তিন কর্মকর্তার। তবে মামলা হয়েছিল মোট ১১ জনের বিরুদ্ধে। তাদের মধ্যে ছয় জন হত্যা ও নির্যাতনের



আলামত নষ্ট ও তথা গোপনের চেষ্টা করেছিলেন। অপরাধের মাত্রাভেদে চার থেকে আট বছরের কারাদণ্ড হয়েছে তাদের। আদালতের রায়ের সত্ত্বে প্রকাশ করে বাদিগণের আইনজীবী প্রোগোরিও দালন বলছেন, “আমরা খুশি, কারণ, এর আগে কখনোই বর্ণবাদী যুগার কারণে প্রাতিষ্ঠানিক সহিংসতার বিচার পাইনি।” লুকাশ গঞ্জালেস ও তার তিন বন্ধু বারাকাস সেন্ট্রাল ক্লাবের যুব দলে খেলতেন। লুকাশ মারা যাওয়ার পর চার কিশোরকেই অপরাধচক্রের সদস্য প্রমাণ করার চেষ্টা করে পুলিশ। আদালতে দাবি করা হয়, লুকাশ ও তার বন্ধুরা আগে গুলি চালানোয় বাধ্য হয়ে পুলিশ গুলি চালায় আর সেই গুলিতেই প্রাণ যায় লুকাশের। লুকাশেরা গুলি চালিয়েছিলেন এ কথা বিশ্বাস করানোর জন্য গাড়িতে একটি বন্দুক রেখে দিয়েছিল পুলিশ। পরে দেখা যায় সেটা আসলে খেলনা বন্দুক।

ভারতের সঙ্গে রূপান্তর বাণিজ্যের পক্ষে শীর্ষ ব্যবসায়ীরা

ঢাকা : ভারতের সঙ্গে রূপান্তর বাণিজ্যকে স্বাগত জানিয়েছেন বাংলাদেশের শীর্ষ ব্যবসায়ীরা।

ভারতের সঙ্গে রূপান্তর বাণিজ্য রপ্তানিকারকদের মুদ্রা রূপান্তরের ক্ষতি থেকে রক্ষার পাশাপাশি তাদের সময় বাঁচাবে বলে আশা করছেন দেশের বেশ কয়েকজন প্রভাবশালী ব্যবসায়ী। তারা আরও মনে করেন, টাকার অন্তর্ভুক্তি দুই দেশের ক্রমবর্ধমান বাণিজ্যকে উৎসাহিত করবে।

মঙ্গলবার উল্লারের ওপর অতিরিক্ত নির্ভরশীলতা কমাতে বাংলাদেশ ও ভারত রূপান্তর বাণিজ্য শুরু করার পর বেশ কয়েকজন রপ্তানিকারক ও ব্যবসায়ী এসব মত পোষণ করেন।

বাংলাদেশ গার্মেন্টস ম্যানুফ্যাকচারার্স অ্যান্ড এক্সপোর্টার্স অ্যাসোসিয়েশনের (বিজিএমইএ) সভাপতি ফারুক হাসান দ্য ডেইলি স্টারকে বলেন, রূপান্তর বাণিজ্য এমন একটি বিকল্প যা শেষ পর্যন্ত স্থানীয় রপ্তানিকারকদের সুবিধা দেবে। যদিও এটি প্রাথমিকভাবে দুই বিলিয়ন ডলার মূল্যের আমদানির ক্ষেত্রে প্রযোজ্য। ভবিষ্যতে তা আরও বাড়বে বলে আশা করা যায়।

তিনি আরও বলেন, আগামী সেপ্টেম্বরে দ্বৈত মুদ্রার ডেবিট কার্ড চালু হলে তা প্রতিবেশী দুই দেশের উল্লারের ওপর চাপ কমাতে।

বিজিএমইএ সভাপতি বলেন, কার্টামাল আমদানির জন্য সরকার ১০ হাজার কোটি টাকা বরাদ্দ দিয়েছে। এ ক্ষেত্রে পোশাক রপ্তানিকারকরা

সহজেই ভারত থেকে রূপান্তর কার্টামাল কিনতে পারবেন। মুদ্রার একাধিকবার রূপান্তরের বামেলা থাকবে না। ভবিষ্যতে টাকাকেও দ্বিমুখী বাণিজ্যে অন্তর্ভুক্ত করতে হবে।

গ্রামি ফ্যাশনস অন্যান্য দেশের পাশাপাশি ভারতেও পণ্য রপ্তানি করে। নিটওয়ার রপ্তানিকারক প্রতিষ্ঠান গ্রামি ফ্যাশনস লিমিটেডের ব্যবস্থাপনা পরিচালক ফজলুল হক ডেইলি স্টারকে বলেন, ভারত বাংলাদেশের জন্য ক্রমবর্ধমান ও সম্ভাবনাময় বাজার। রূপান্তর বাণিজ্য ও মুদ্রার একাধিকবার রূপান্তর এড়ানোর মাধ্যমে উল্লারপ্রতি এক টাকা সাশ্রয় হলে সুফল পাওয়া যাবে।

তবে তিনি প্রশ্ন রাখেন, রূপান্তর বাণিজ্যের হার নির্ধারণে বাংলাদেশে কার্যকর উল্লারের হার কত হবে? রপ্তানিকারক, আমদানিকারক ও রেমিটেন্স প্রেরণকারীদের জন্য আলাদা হার আছে বলেই প্রশ্নটি এসেছে। তাই এর ব্যাখ্যা প্রয়োজন।

তিনি আরও বলেন, আমদানিকারকদের স্থানীয় উৎস থেকে কার্টামাল কিনলেও উল্লারে মূল্য শোধ করতে হয়। আমরা কি কার্টামাল রূপান্তর বা টাকায় কিনতে পারব? অনেক কিছুই অস্পষ্ট রয়ে গেছে। সামগ্রিকভাবে, রূপান্তর বাণিজ্য রপ্তানিকারকদের জন্য খুব বেশি সুবিধা বয়ে আনতে পারে না। প্রাণআরএফএল গ্রুপের চেয়ারম্যান আহসান খান চৌধুরী ভারতের সঙ্গে



রূপান্তর বাণিজ্যকে মহৎ উদ্যোগ হিসেবে দেখেন, এটি সঠিক পথে যাওয়ার একটি উদ্যোগ। এটি ক্রেতাদের আরও সুবিধা দেবে। ক্রেতাদের আরও কাছে যাওয়া যাবে। তারা অপচয় ও মুদ্রা রূপান্তরের ক্ষতি থেকে বাঁচবে। ভারত একটি বড় বাজার। এটি আমাদের জন্য বড় সুযোগ। আসুন আমরা চেষ্টা করি। যদি এই উদ্যোগ উপকারে না আসে তাহলে আমরা আবার উল্লারে ফিরে আসতে পারি। ভারত পণ্য রপ্তানিকারক প্রাণআরএফএল গ্রুপ রপ্তানি আয়ের সমপর্যায় রূপান্তর আমদানি বিল পরিশোধের চেষ্টা করবে বলেও জানান তিনি।

ভারতে তৈরি পোশাক রপ্তানিকারক প্রতিষ্ঠান ডিবিএল গ্রুপের ব্যবস্থাপনা পরিচালক এম এ জব্বার মনে করেন, টাকার বিনিময়েও বাণিজ্য করা উচিত। তিনি বলেন, নতুন এই উদ্যোগ বাংলাদেশ ও ভারতের রপ্তানি ও আমদানিকারকদের উপকৃত করবে। বাংলাদেশ নিটওয়ার ম্যানুফ্যাকচারার্স অ্যান্ড এক্সপোর্টার্স অ্যাসোসিয়েশনের নির্বাহী সভাপতি মোহাম্মদ হাতেম ডেইলি স্টারকে বলেন, এই উদ্যোগ দ্বিপক্ষীয় সম্পর্কে আরও গভীর করবে। উল্লারের ওপর অতিরিক্ত নির্ভরতা কিছুটা কমাতে ফলে ব্যবসার খরচও কমাতে।

বাংলাদেশ টেক্সটাইল মিলস অ্যাসোসিয়েশনের সভাপতি মোহাম্মদ আলী খোকন ডেইলি স্টারকে বলেন, প্রাথমিকভাবে রূপান্তর ২০০ কোটি উল্লারের বাণিজ্য হতে পারে। বাণিজ্য ভারসাম্য ভারতের দিকে ঝুঁকি আছে। প্রতিবেশী দেশটি বাংলাদেশে ১২ বিলিয়ন উল্লারেরও বেশি মূল্যের পণ্য রপ্তানি করছে। বাংলাদেশ বছরে ভারতে দুই বিলিয়ন উল্লারের পণ্য রপ্তানি করে। তাই, বাংলাদেশের লাভ কম হবে, বলে মন্তব্য করেন খোকন। ভারতবাংলাদেশ চেন্নার অব কমার্স অ্যান্ড ইন্ডাস্ট্রির সভাপতি আবদুল মাতলুব আহমাদ ডেইলি স্টারকে বলেন, আগামী সেপ্টেম্বরে চালু হতে যাওয়া দ্বৈত মুদ্রা কার্ড উল্লারের রূপান্তরের ফলে বিনিময় হারের ক্ষতি কমাতে। টাকারূপান্তর কার্ড দুই দেশের অগ্রগতির জন্যও উপকারী হবে।

কোরআন পোড়ানো নিয়ে জাতিসংঘে বিশেষ বৈঠক

জেনেভা : পাকিস্তানের হস্তক্ষেপে এই বিষয়ে বিশেষ বৈঠক শুরু হয়েছে জাতিসংঘের মানবাধিকার কমিশনের মঞ্চে।

সম্প্রতি সুইডেনে একটি মসজিদের সামনে কোরআন পুড়িয়ে বিক্ষোভ দেখিয়েছে একদল আন্দোলনকারী। সুইডেনের প্রশাসন তাদের বিরুদ্ধে কোনো ব্যবস্থা নেয়নি। ওই ঘটনা মুসলিম বিশ্বে রীতিমতো সাদা ফেলে দিয়েছে। ওই ঘটনার উল্লেখ করে জাতিসংঘের মানবাধিকার কমিশনে বিশেষ আলোচনার দাবি জানিয়েছিল পাকিস্তান। মঙ্গলবার থেকে সেই আলোচনা শুরু হয়েছে। পাকিস্তানসহ মুসলিম বিশ্বের একাধিক দেশ ওই ঘটনার তীব্র নিন্দা করেছে।

পাকিস্তানের পররাষ্ট্রমন্ত্রী বিলাল ভুট্টো জারদারি ভিডিও কনফারেন্সের মাধ্যমে ওই বৈঠকে যোগ দিয়েছিলেন। তিনি বলেছেন, “এই ধরনের ঘটনা ইসলামোফোবিয়া, হেট স্পিচ আরো বাড়িয়ে দিচ্ছে। বিশ্বজুড়ে মানুষে মানুষে ব্যবধান আরো বাড়ছে। সহিংসতা উসকে দেওয়া হচ্ছে।”

বস্তুত, বৈঠকে মুসলিম বিশ্বের তরফে বলা হয়েছে, কোরআন মুসলিমদের কাছে একটি আবেগের বিষয়। কোরআন পোড়ানো মুসলিমদের ধর্মীয় ভাবাবেগে আঘাত করে। ফলে এই ধরনের ঘটনা মেনে নেওয়া সম্ভব নয়। জাতিসংঘের মানবাধিকার সংগঠন ইউএনএইচসিআরএর প্রধান ভলকার টার্ক বলেছেন, “মুসলিমদের বিরুদ্ধে বিদ্বেষ, ইসলামোফোবিয়া, ইহুদিবিদ্বেষ, খ্রিস্টানদের নিয়ে বিদ্বেষপূর্ণ মন্তব্য কখনোই গ্রহণযোগ্য নয়। একইভাবে সংখ্যালঘু সম্প্রদায় যেমন আহমেদি, ইয়াজেদি, বাহাইদের বিরুদ্ধে বিদ্বেষপূর্ণ আচরণ অন্যায্য। এই সবকিছুই অন্যায্য এবং বন্ধ করা প্রয়োজন।”

আলোচনা, শিক্ষা এবং ধর্মীয় আদানপ্রদানের মাধ্যমে হেটস্পিচ বন্ধ করা সম্ভব বলে মনে করেন টার্ক। এর জন্য সমস্ত দেশকে এগিয়ে



আসতে হবে এবং গুরুত্বপূর্ণ ভূমিকা নিতে হবে বলে জানিয়েছেন তিনি। তার মতে, কোরআন জ্বালানোর ঘটনা সার্বিকভাবে বিদ্বেষ তৈরি করেছে, সহিংসতার জন্ম দিয়েছে এবং মানুষের ধর্মীয় বিশ্বাসে আঘাত হেনেছে। এধরনের ঘটনা অনভিপ্রেত। এগুলি বন্ধ হওয়া দরকার। সুইডেনের দক্ষিণপশ্চিম সরকারও মনে করে কোরআন পোড়ানোর ঘটনা অনভিপ্রেত। কিন্তু তাদের বক্তব্য, সংবিধান সকলকে বিক্ষোভ দেখানোর অধিকার দিয়েছে। কোরআন পুড়িয়ে যারা বিক্ষোভ দেখিয়েছে, তাদেরও সাংবিধানিক অধিকার আছে। সেকারণেই তাদের বাধা দেওয়া হয়নি।

মুসলিম বিশ্বের দাবি, এই ঘটনা মুসলিম জনসমাজের বিশ্বাসের উপর আঘাত। একেও এক ধরনের ইসলামোফোবিয়া বলা যেতে পারে। এনিমু মুসলিম দেশগুলির মঞ্চেও আলোচনা হয়েছে। টার্কও মনে করেন, কোরআন পোড়ানোর ঘটনা কেবলমাত্র ব্যক্তি অধিকার নয়। বাজির অধিকার কতদূর পর্যন্ত মেনে নেওয়া হবে এ বিষয়ে আলোচনা হওয়া প্রয়োজন। আগামী শুক্রবার পর্যন্ত এই বৈঠক চলবে। অন্য দেশগুলিও সেখানে তাদের বক্তব্য জানাবে। মুসলিম বিশ্ব চাইছে, কোরআন পোড়ানো নিয়ে নির্দিষ্ট সিদ্ধান্ত গ্রহণ করা হোক।

৩০০ গাড়িবহর নিয়ে প্রস্তুত জাহাঙ্গীর

ঢাকা : ৩০০ গাড়ি নিয়ে আগুয়ামি লীগের শান্তি সমাবেশে যোগ দিতে প্রস্তুত নিয়েছেন গাজীপুর সিটি কর্পোরেশনের সাবেক মেয়র ও মহানগর আগুয়ামি লীগের সাধারণ সম্পাদক জাহাঙ্গীর আলম।

মঙ্গলবার রাতে জাহাঙ্গীর আলম নিজেই বিষয়টি দ্য ডেইলি স্টারকে নিশ্চিত করেন। তিনি দ্য ডেইলি স্টারকে বলেন, দলের শীর্ষ নেতাদের নির্দেশনা পেয়ে শান্তি সমাবেশে যোগ দেওয়ার প্রস্তুতি নিয়েছি। গাজীপুর থেকে সমাবেশে যাওয়ার জন্য ইতোমধ্যে ৩০০ গাড়ি প্রস্তুত আছে। আমার বিপুলসংখ্যক নেতাকর্মীর জন্য ৫০০ গাড়ির দরকার ছিল। কিন্তু বিভিন্ন জায়গাতে যোগাযোগ করেও পর্যাপ্ত গাড়ি পাওয়া যাচ্ছে না।

গাড়ির পাশাপাশি বিপুলসংখ্যক নেতাকর্মীও আগুয়ামি লীগের সমাবেশে থাকবে বলে জানান তিনি।

প্রসঙ্গত, বুধবার বিকালে রাজধানীর বায়তুল মোকাররম জাতীয় মসজিদের দক্ষিণ গেটের সামনে শান্তি সমাবেশ করবে আগুয়ামি লীগ। দলের সাধারণ সম্পাদক ওবায়দুল কাদেরের সমাবেশে প্রধান অতিথি হিসেবে বক্তব্য দেওয়ার কথা রয়েছে। একই দিন দুপুর ২টা থেকে ৫টা পর্যন্ত রাজধানীর নয়াপল্টনে কেন্দ্রীয় কার্যালয়ের সামনে সমাবেশ করবে বিএনপি। এ সমাবেশ থেকে সরকার পতনের একদফার আন্দোলন কর্মসূচির ঘোষণা আসবে বলে জানিয়েছে দলটি।



উত্তপ্ত ডাঙড়, নিহত উত্তম ডিল

কলকাতা : একদিকে পঞ্চায়েতের ফলাফল ঘোষণা হচ্ছে, অন্যদিকে ক্রমশ রাজনৈতিক উত্তাপ বাড়ছে। এখনো পর্যন্ত ভোটের বলি ৪৩।

ফের উত্তপ্ত ডাঙড়। মঙ্গলবার মার রাত থেকে সেখানে ব্যাপক উত্তেজনা শুরু হয়। আইএসএফ কর্মীরা পথ অবরোধ করেন বলে জানা গেছে। পুলিশ সেই অবরোধ তুলতে গেলে এলাকা কার্যত রণক্ষেত্রের চেহারা নেয়। পুলিশ গুলিবিদ্ধ হয়েছে বলে জানা গেছে। আহত বারুইপুরের অতিরিক্ত পুলিশ সুপার এবং আরো এক পুলিশ কর্মী। তাদের কলকাতার একটি অসরকারি হাসপাতালে নিয়ে যাওয়া হয়েছে। আইএসএফ দাবি করেছে, তাদের অন্তত চারজন গুলিতে নিহত হয়েছে। তবে সরকারিভাবে একজনের মৃত্যুর খবর মিলেছে।

বেসরকারি সূত্রে আরো দুইজনের মৃত্যুর খবর জানা গেছে। অর্থাৎ, শুধু ডাঙড়েই তিনজনের মৃত্যু হয়েছে বলে মনে করা হচ্ছে।

দক্ষিণ ২৪ পরগনার এই ডাঙড়েই একটি জেলা পরিষদ দখল করেছে আবাস এবং নগুশাদ সিদ্দিকির আইএসএফ। বাকি ৮৪টি জেলা পরিষদেই তৃণমূল জিতেছে। রাজ্যের অন্যান্য জেলাতেও অধিকাংশ জেলা পরিষদ তৃণমূলের দখলে।

ডাঙড়ে উত্তেজনা সবচেয়ে বেশি। তবে রাজ্যের অন্য জেলা থেকেও সংঘর্ষ এবং মৃত্যুর খবর আসছে। রায়দিঘিতে এক তৃণমূলকর্মীর মৃতদেহ উদ্ধার হয়েছে। পুকুর থেকে তার দেহ উদ্ধার হয়েছে। কারা তাকে খুন করেছে, তা নিয়ে চাপানউতোর শুরু হয়েছে। পূর্ব মেদিনীপুরের বাকচায় মঙ্গলবার বোমা বিস্ফোরণ হয়েছে। তাতে এক বৃদ্ধ আহত হয়েছেন। পশ্চিম বর্ধমানের কাঁকসায় তৃণমূল এবং সিপিএমের মধ্যে তীব্র সংঘর্ষ হয়েছে। দুইপক্ষের একাধিক ব্যক্তি আহত হয়েছেন। মুর্শিদাবাদের একাধিক জায়গা থেকে বোমাবাজির খবর আসছে।

অভিযোগ তৃণমূলের বিরুদ্ধে। বেসরকারি সূত্রের দাবি, পঞ্চায়েত ভোট ঘিরে এখনো পর্যন্ত মোট ৪৩ জনের মৃত্যু হয়েছে। ভোটপূর্ব পরিস্থিতিতে মৃত্যুর সংখ্যা ছিল ১৮। ভোটের দিন মৃত্যু হয়েছে ১৮ জনের। ভোট পরবর্তী সময়ে আরো সাতজনের মৃত্যুর খবর এসেছে। সংখ্যাটি আরো বাড়বে বলেই বিশেষজ্ঞদের অভিমত। সম্পূর্ণ ফলাফল ঘোষণার আগেই মঙ্গলবার সন্ধ্যায় গ্রামবাংলার মানুষকে অভিনন্দন জানিয়ে টুইট করেছেন মুখ্যমন্ত্রী মমতা বন্দ্যোপাধ্যায়। তবে ভোটে সহিংসতা নিয়ে মুখ খুলেছেন তৃণমূল বিধায়ক মদন মিত্র। তিনি বলেছেন, বাংলায় রক্তের হোলি খেলা চলছে। এর আগে তৃণমূল বিধায়ক চিরঞ্জিত এবং হুমায়ুন কবীর সহিংসতার নিন্দা করেছিলেন। এদিকে বুধবার সকাল পর্যন্ত যে তথ্য মিলেছে তাতে তৃণমূল সব মিলিয়ে দুই হাজার ৫৬২টি গ্রাম পঞ্চায়েত দখল করেছে। বিজেপি পেয়েছে ২১২টি বামেরা পেয়েছে ৪২টি। কংগ্রেস ১৭। আইএসএফ আটা নির্দল প্রার্থীরা পেয়েছে ৩৪৬টি। তৃণমূল পঞ্চায়েত সমিতি পেয়েছে ২৪২টি। বিজেপি পেয়েছে আটটি, বামেরা একটি। জেলা পরিষদের লড়াইয়েও এগিয়ে শাসকদল। এখনো পর্যন্ত যে ফলাফল মিলেছে তাতে মোট ৯২৮টি জেলা পরিষদ আসনের মধ্যে ৫৬৩টিতে তৃণমূল জয়যুক্ত হয়েছে। বিজেপি পেয়েছে ২৪টি। সিপিএম ৫। কংগ্রেস আট এবং অন্যান্যরা দুইটি আসনে জয়ী হয়েছে। ডাঙড় জেলা পরিষদে আইএসএফ জয়ী হয়েছে বলে জানা গেছে। তবে ফলাফল এখনো ঘোষণা হয়নি।

পূর্ব মেদিনীপুরের জেলা পরিষদ তৃণমূল দখল করলেও ১৮টি আসনে বিরোধীরা জিতেছে। বিজেপি নেতা শুভেন্দু অধিকারীর গড় হিসেবে পরিচিত পূর্ব মেদিনীপুরে বিজেপি জেলা পরিষদ দখল করতে পারেনি। রাজ্যের বেশ কিছু জেলায় কার্যত বিরোধীশূন্য জেলা পরিষদ গঠনের পথে তৃণমূল। বিরোধীদের অবস্থা বক্তব্য, ভোটের নামে প্রহসন হয়েছে। বুধ খোলা, রিগিং করে, ভোট লুট করে জয়ী হয়েছে তৃণমূল। বিরোধীরা সেখানে সামান্য লড়াই করতে পেরেছে, সেখানেই তৃণমূলের হার হয়েছে। পুলিশপ্রসঙ্গের বিরুদ্ধেও সরব হয়েছে বিরোধীরা।



‘জার্মানির’ নজরদারি বিমান জার্মানিতেই পাঠাচ্ছে অস্ট্রেলিয়া

পার্থ : জার্মানিতে একশটিরও বেশি ই-৭এ ওয়েজটাইল নজরদারি বিমান পাঠাচ্ছে অস্ট্রেলিয়া। এ বিষয়ে একটি চুক্তি স্বাক্ষর করেছে অস্ট্রেলিয়ার প্রধানমন্ত্রী অ্যান্থনি অ্যালবানিজি।

সোমবার অস্ট্রেলিয়ার প্রধানমন্ত্রী জানান, রয়্যাল অস্ট্রেলিয়ান এয়ার ফোর্সের নজরদারি বিমানগুলো ইউক্রেনের সহায়তায় কাজ করবে। তবে সেগুলো ইউক্রেন, রাশিয়া বা বেলারুশের আকাশসীমায় প্রবেশ করবে না, কোনোভাবে যুদ্ধেও অংশ নেবে না। তিনি আরো জানান, অস্ট্রেলিয়ায় তৈরি হওয়া বিমানগুলোর কাজ হবে শুধু ইউক্রেনে নির্বিঘ্নে সামরিক ও মানবিক সহায়তা পৌঁছে দেয়ার বিষয়টি তদারক করা। অস্ট্রেলিয়ায় তৈরি হলেও ই-৭এ ওয়েজটাইল আসলে জার্মানি প্রযুক্তির বিমান। গত মার্চে জার্মানির সামরিক সরঞ্জামের ঠিকাদার প্রতিষ্ঠান রাইনমোটাল অস্ট্রেলিয়ার উত্তরপশ্চিমাঞ্চলীয় রাজ্য কুইন্সল্যান্ডে এই বিমানের উৎপাদন শুরু করে। উৎপাদন শুরুর তিন মাস পর সেই বিমানই জার্মানিতে রপ্তানির চুক্তি করলো অস্ট্রেলিয়া।

সোমবার জার্মানির রাজধানী বার্লিনে অনুষ্ঠিত এক সংবাদ সম্মেলনে ইউক্রেনের সহায়তায় ব্যবহারের জন্য জার্মানিতে এ বিমান পাঠানোর বিষয়ে কথা বলেন অ্যান্থনি অ্যালবানিজি। জার্মানির চ্যান্সেলর ওলাফ শলৎসও তখন তার পাশে ছিলেন। একই দিনে ই-৭এ ওয়েজটাইল রপ্তানির বিষয়ে এক বিলিয়ন ডলার (৯১০ মিলিয়ন ইউরো) এর চুক্তি স্বাক্ষর করেন অস্ট্রেলিয়ার প্রধানমন্ত্রী।

আকাশ থেকে সারভেইল্যান্স, অর্থাৎ তদারকর কাজে ই-৭এ ওয়েজটাইল খুব কার্যকর, কারণ, এতে রয়েছে উচ্চক্ষমতাসম্পন্ন দূরপাল্লার রাডার। মালয়েশিয়া এয়ারলাইন্সের নির্খোঁজ হয়ে যাওয়া এমএইচ৩৭০ ফ্লাইটের বিমান অনুসন্ধানেও এই বিমান ব্যবহার করা হয়েছে।



ডিলিমিটেশন খসড়ার যারা প্রতিবাদ করছেন তারা জেনে না জেনে অসম মাতৃর অপমান করছেন বলে মন্তব্য মুখ্যমন্ত্রী ড० হিমন্ত বিশ্ব শর্মা

প্রত্যেক নির্বাচনে অসমীয়া পাঁচটা করে আসল হারাচ্ছে, এই পুনর্গঠন না হলে অসমীয়া জাতি দীর্ঘদিন ধরে দুর্বল হয়ে থাকবে

সব্যসাচী শর্মা
গুয়াহাটি : ডিলিমিটেশন প্রক্রিয়া ঘিরে রাজনৈতিক দল এবং বিভিন্ন সংগঠনের পরামর্শ এবং বিরোধিতা সংক্রান্ত শুভানি নেওয়ার জন্য নির্বাচন কমিশন আগামী ২০ এবং ২১ জুলাই রাজ্যে থাকবে বলে ইতিমধ্যে ঘোষণা করেছেন মুখ্যমন্ত্রী ড० হিমন্ত বিশ্ব শর্মা। ডিলিমিটেশনের খসড়া নিয়ে কংগ্রেস, এআইইউডিএফ সহ বিরোধী রাজনৈতিক দলগুলো ব্যাপক প্রতিবাদ অব্যাহত রেখেছে। এক্ষেত্রে প্রতিক্রিয়া ব্যক্ত করে তিনি বলেন ডিলিমিটেশন খসড়ার যারা প্রতিবাদ করছেন তারা জেনে না জেনে অসম মাতৃর অপমান করছেন। তাৎপর্যপূর্ণ ভাবে প্রত্যেক নির্বাচনে অসমীয়া পাঁচটা করে আসন হারাচ্ছে বলে মন্তব্য করেছেন মুখ্যমন্ত্রী। তিনি বলেন এই পুনর্গঠন না হলে অসমীয়া জাতি দীর্ঘদিন ধরে দুর্বল হয়ে থাকবে।



উল্লেখ্য মুখ্যমন্ত্রী ড० হিমন্ত বিশ্ব শর্মা দুদিনের সফরসূচি নিয়ে সোমবার যোরহাট এসে উপস্থিত হয়েছিলেন। যোরহাটে উপস্থিত হয়ে তিনি দুদিন ধরে স্থানীয় এলাকায় নির্মীয়মান বেশ কিছু প্রকল্প ঘুরে দেখেন। মঙ্গলবার সাংবাদিকদের সঙ্গে মতবিনিময় মুখ্যমন্ত্রী বলেন একাংশ দল সংগঠন কেন ডিলিমিটেশন প্রক্রিয়ার বিরোধিতা করছে সেটা তিনি বুঝে উঠতে পারছেন না। তিনি স্বয়ং নিজের জালুকবাড়ি বিধানসভা কেন্দ্র হারিয়েছেন। প্রায় ২৫ বছর ধরে সেই কেন্দ্র থেকে নির্বাচনে প্রতিদ্বন্দ্বিতা করার পর এবার তাকে এটা হারাতে হচ্ছে। এটা অত্যন্ত দুঃখজনক বিষয়। কিন্তু অনেক মানুষ ভাবেন যে তারা নতুন কেন্দ্রে গিয়ে নির্বাচনে জয়ী হতে পারবেন না। এই ব্যক্তিরই অপ্রযোজনীয় ভাবে ডিলিমিটেশনকে একটি ইস্যু বানিয়ে এটার বিরুদ্ধে সরব হয়ে উঠেছেন বলে মন্তব্য করেন তিনি। মুখ্যমন্ত্রী ড० হিমন্ত বিশ্ব শর্মা বলেন এই ডিলিমিটেশন যদি না হয় তাহলে অসমীয়া জাতি দীর্ঘদিন ধরে দুর্বল হয়ে থাকবে। কারণ বর্তমান অসমীয়ার হাতে

যতটি আসন রয়েছে সেটা বিজেপি কিংবা কংগ্রেস বলে কথা নয়, অসমীয়া জাতি প্রতি নির্বাচনে পাঁচটা করে আসন হারাচ্ছে। এভাবে পাঁচটা করে আসন হারাতে থাকলে ৬২ আসনের নিচে নেমে আসতে বেশি দিন সময় লাগবে না বলে মন্তব্য করেছেন তিনি। মুখ্যমন্ত্রী বলেন ১৯৮৫ সালে অসম চুক্তির পর যখন নির্বাচন হয়েছিল তখন রাজ্যের প্রতি জন অসমীয়া অসম গণপরিষদকে ভোট দিয়েছিলেন। কিন্তু এরপরেও অগণ ৫৮ এর বেশি আসন দখল করতে সক্ষম হয়নি। অর্থাৎ অসমীয়া মানুষের হাত থেকে রাজনৈতিক অধিকারটি চলে গেছিল। ঠিক একই ভাবে বরাক উপত্যকা এবং অন্যান্য এলাকায় ভারতীয় মূলের নাগরিক থেকে রাজনৈতিক অধিকার চলে গেছিল। তাছাড়া ২০০৭ কংগ্রেস সরকারের আমলে যে ডিলিমিটেশনের খসড়া প্রস্তুত

যাবে না। যেখানে অসমীয়ারা সংখ্যালঘুতে পরিণত হয়েছে সেখানে যাবে। ফলে যারা ২০১১ সালের ভিত্তিতে যদি ডিলিমিটেশনের দাবি করছেন তাদের জাতির প্রতি দায়বদ্ধতা নেই বলেই তারা এই ধরনের দাবি করছেন বলে মন্তব্য করেন তিনি।

মুখ্যমন্ত্রী ড० হিমন্ত বিশ্ব শর্মা বলেন এটা বিজ্ঞানসম্মত কথা নয়। তারা বুঝে উঠতেই পারেননি এই সম্পূর্ণ বিষয়টি। বর্তমান শিবসাগর এবং ডিব্রুগড়ের জনসংখ্যা যে কমে গেছে এবং অন্যান্য জেলায় ব্যাপকভাবে জনসংখ্যা বৃদ্ধি পাচ্ছে সেই সামান্য অংক পর্যন্ত তারা করেননি বলে ক্ষোভ ব্যক্ত করেছেন তিনি। মুখ্যমন্ত্রী বলেন লাহাওয়াল কেন্দ্র হারানোর জন্য তারা কান্নাকাটি করছেন। আগামী দিনে তারা ডিব্রুগড় হারাবেন। বর্তমান তারা আমগুড়ি কেন্দ্র হারানোর জন্য কাঁদছে, ভবিষ্যতে তারা নাজিরা কেন্দ্র হারাবেন। এর বিপরীতে নিম্ন অসমে আসন বৃদ্ধি পেতে থাকবে। তবে সেটা অসমীয়া মানুষের হাতে বাড়বে না। বর্তমান সবাই গৌরব করা উচিত যে বড়দোয়া কেন্দ্র ফিরিয়ে আনা হয়েছে, বরপেটা কেন্দ্র ফিরিয়ে আনা হয়েছে, লক্ষিমপুর ধামাজিতে নতুন আসন বেড়েছে। মাকুম কেন্দ্র নতুন করে হয়েছে। ফলে যারা ডিলিমিটেশন প্রক্রিয়ার বিরোধিতা করছেন তারা জেনে না জেনে জননী জম্মাভূমির অপমান করছেন বলে মন্তব্য করেছেন মুখ্যমন্ত্রী। তিনি বলেন কংগ্রেস বিরোধিতা করছে এটা মানা যায়। কারণ এই ডিলিমিটেশনের মাধ্যমে কংগ্রেসের উপর মোক্ষম আঘাত হয়েছে। যদি বাস্তবে এই ডিলিমিটেশন হয়ে যায় তাহলে কংগ্রেস আর পুনরায় দাঁড়াতে পারবেনা। ফলে কংগ্রেসের এক্ষেত্রে বিরোধিতা করাটি তিনি বুঝতে পারেন। মুখ্যমন্ত্রী বলেন একটি ফিসারীতে যদি জল না থাকে তাহলে মাছগুলো হাহাকার করবে। কংগ্রেসের পরিস্থিতি তিনি বুঝতে পারছেন। কিন্তু স্বদেশ প্রেমের পোশাক পড়ে জননী জম্মাভূমির এই ধরনের অপমান করা অবশ্য ব্যক্তি রয়েছেন। সেই ব্যক্তিদের সনাক্ত করা অত্যন্ত প্রয়োজন বলে মন্তব্য করেছেন মুখ্যমন্ত্রী ড० হিমন্ত বিশ্ব শর্মা।

অসম প্রদেশ কংগ্রেস সভাপতি ভূপেন বরার আসল নাম ড० কমিশন বরা, কমিশন সংগ্রহে তিনি উস্টোরেট নিয়েছেন বলে মন্তব্য মন্ত্রী পিযুষ হাজরিকার

কংগ্রেসের সঙ্গে থাকা ১১ টি দলের নামই কেউ জানে না

গুয়াহাটি (সব্যসাচী শর্মা) : আসন্ন ২০২৪ সালের লোকসভা নির্বাচনকে কেন্দ্র করে শাসকবিরোধী উভয় পক্ষ তৎপর হয়ে উঠেছে। সেই সঙ্গে শাসকবিরোধী নেতাদের মধ্যে হাস্যরসিক বাকবিতণ্ডাও সমানভাবে বৃদ্ধি পেয়েছে। এককালে সহযোগী হিসেবে রাজনীতি করা অসম প্রদেশ কংগ্রেস কমিটির সভাপতি ভূপেন বরা এবং মন্ত্রী পিযুষ হাজরিকা বর্তমান এই ধরনের হাস্যরসিক বাকবিতণ্ডায় জড়িয়ে গেছেন। এক্ষেত্রে দুজনে সমানভাবে তৎপর রয়েছেন। অসম প্রদেশ কংগ্রেস সভাপতি ভূপেন বরার আসল নাম ড० কমিশন বরা বলে অভিহিত করেছেন তিনি। মন্ত্রী বলেন কমিশন সংগ্রহে তিনি উস্টোরেট নিয়েছেন। তাছাড়া সভাপতি ড० ভূপেন বরার পিএইচডি থিসিসের নাম কালেকশন অফ কমিশন বলে জানান তিনি। উল্লেখ্য মন্ত্রী পিযুষ হাজরিকা সম্পর্কে ইতিমধ্যে মন্তব্য করেছেন অসম প্রদেশ কংগ্রেস সভাপতি ভূপেন বরা। তিনি বলেন রাজ্যের যাবতীয় সুপারি সিন্ডিকেট কয়লা সিন্ডিকেট সম্পর্কে সবকিছু জানেন মন্ত্রী পিযুষ হাজরিকা। তাকে জিজ্ঞেস করলে এই যাবতীয় সিন্ডিকেটের সঙ্গে কে জড়িত সব তথ্য জানা যাবে। অর্থাৎ মন্ত্রীর অধীনে রাজ্যে যাবতীয় সুপারি সিন্ডিকেট কয়লা সিন্ডিকেট চলছে বলে এক প্রকারে অভিযোগ উত্থাপন করেছেন প্রদেশ কংগ্রেস সভাপতি ভূপেন বরা। এবার এক্ষেত্রে প্রতিক্রিয়া প্রকাশ করলেন মন্ত্রী পিযুষ হাজরিকা। মঙ্গলবার সাংবাদিকদের সঙ্গে মতবিনিময়ে তিনি বলেন ভূপেন বরা কমিশনে ব্যস্ত একজন নেতা। তাকে কমিশন বরা বলে প্রত্যেকেই চেনেন। তবে বর্তমান তিনি শুধুমাত্র ভূপেন বরা নন তিনি ড० ভূপেন বরা। তিনি উস্টোরের পেয়েছেন কমিশন কালেকশনের উপর। বিধানসভা কেন্দ্রের প্রতি জন ব্যক্তি মুখে মুখে তাকে কমিশন বরা বলে অভিহিত করেন। মন্ত্রী পিযুষ হাজরিকা বলেন তিনি এবার স্বয়ং ভূপেন বরার স্থানে লাগিয়ে দিয়েছেন ড० ভূপেন বরা। যেহেতু কমিশন নেওয়াতে তিনি পিএইচডি করেছেন। তার পিএইচডি থিসিসের নাম কালেকশন অফ কমিশন। এর উপরে থিসিস তিনি লিখেছেন। মূলত মানুষ এটা লিখতে তাকে বাধ্য করিয়েছেন। মন্ত্রী জানান তিনি তিনবার বিদায় হয়েছেন। অথচ ভূপেন বরা দুইবারই বিধায়ক হতে পেরেছেন। বর্তমান সময় পর্যন্ত তার রাজনৈতিক জীবন সমাপ্ত হয়ে গেছে। ভবিষ্যতে কি হয় সেটা বলা যাবে না। তিনি দুইবার বিহপুরিয়া কেন্দ্র থেকে নির্বাচনের প্রতিদ্বন্দ্বিতা করে বিধায়ক হয়েছিলেন। বিহপুরিয়া কেন্দ্রে এত বেশি কমিশনের চলন হয়েছিল যে অবশেষে তাকে উস্টোরেট উপাধি নিতে হয়েছে। কমিশন বরা হতে হয়েছে। এখন সেখান থেকে তিনি নির্বাচনে জিততে পারবেন না। এর জন্য এবার তাকে রঙা নদীতে যেতে হয়েছে। যেহেতু পাশের বিধানসভা কেন্দ্রের খবর প্রত্যেকেই পায়। ফলে সেখানেও ভূপেন বরার একই দশা হবে বলে মন্তব্য করেছেন মন্ত্রী হাজরিকা। অর্থাৎ বিহপুরিয়া কিংবা রঙা নদী তার অবস্থা একই হবে। অন্যদিকে সাংসদ গৌরব গগৈ সংক্রান্তে মন্তব্য করে মন্ত্রী বলেন যেহেতু তিনি একজন জাতীয় নেতা ফলে নগাঁও লোকসভা কেন্দ্র থেকে কেন নির্বাচনের প্রতিদ্বন্দ্বিতা করার প্রস্তুতি নিচ্ছেন। তাকে তো কাজিরাঙ্গা লোকসভা কেন্দ্র থেকে নির্বাচনের প্রতিদ্বন্দ্বিতা করা উচিত। জাতীয় বীরের জাতীয় ভোট নেওয়া উচিত। জাতীয় বীর অজাতির কেন ভোট নিচ্ছেন। নগাঁও লোকসভা কেন্দ্রে এলে থিসের ভোট নিতে হবে, রূপহি, চামুগুড়ির ভোট নিতে হবে। সেখানে তো জাতীয় ভোট নেই। সব অজাতির ভোট। ফলে তিনি কেন অজাতির ভোট নেনেন বলে মন্তব্য করেন তিনি। মন্ত্রী পিযুষ হাজরিকা বলেন কংগ্রেসের সঙ্গে থাকা ১১ টি দলের নামই কেউ জানেন না। এসব বললে আবার কংগ্রেস খারাপ পায়। কিন্তু উপায় নেই। খারাপ পেলেও বলতে হবে। কারণ বাস্তবে তিনি এই দলগুলোর নাম জানেন না বলে স্পষ্ট করে দিয়েছেন মন্ত্রী হাজরিকা। তিনি বলেন বরাক উপত্যকায় কংগ্রেস এবং এআইইউডিএফ একসঙ্গে বন্ধ দিয়েছিল। একসঙ্গে দুটি দল বন্ধের আহবান করেছিল। ফলে দল দুটি কখন একসঙ্গে হয় কখন পৃথক হয়ে যায় বোঝা মুশকিল। নিম্ন অসমের অংক এলে দল দুটি একসঙ্গে মিলে যায়। আবার যে সময় উজান অসমের অঙ্ক আলোচনা মর্মে দেশের প্রতিটি প্রান্তের জনসংখ্যা সমাধান ফাউন্ডেশন এর কর্মীরা গত বিধানসভা নির্বাচনেও দল দুটি একসঙ্গে ছিল। তাদের কোনো বিশ্বাস নেই। যেকোনো সময় দল দুটি একসঙ্গে হয়ে যেতে পারে। তাদের যাবতীয় গণিত তথ্য অংক নির্বাচন কেন্দ্রিক। উজান অসমে আজমলের কথা বললে যেহেতু ভোট পাওয়া যাবে না তখন কংগ্রেস আজমলের কথা বলে না। অথচ বরাক উপত্যকা এবং নিম্ন অসমের কথা চিন্তা করলে কংগ্রেস এবং এআইইউডিএফ একসঙ্গে মিলে যায় বলে অভিযোগ উত্থাপন করেছেন মন্ত্রী পিযুষ হাজরিকা।



অমৃত কালে বহু বিবাহ প্রচলন বন্ধ এবং মুসলমান মহিলাদের সম অধিকার প্রদানের ক্ষেত্রে চূড়ান্ত সিদ্ধান্ত নেওয়ার উপযুক্ত সময় বলে মন্তব্য মুখ্যমন্ত্রী ড० হিমন্ত বিশ্ব শর্মা

পশ্চিমবঙ্গের পঞ্চায়েত নির্বাচনের চুক্তিভাঙ্গী ১৩৬ জন বর্তমান ধুবড়ীর শরণার্থী শিবিরে রয়েছেন

সব্যসাচী শর্মা
গুয়াহাটি : বহুবিবাহ বন্ধের ক্ষেত্রে ফের একবার সরব হয়ে উঠেছেন মুখ্যমন্ত্রী ড० হিমন্ত বিশ্ব শর্মা। তিনি বলেন এটা গত ৭৫ বছরের পেস্তিং থাকা একটি বিষয়। ফলে অমৃত কালে বহু বিবাহ প্রচলন বন্ধ এবং মুসলমান মহিলাদের সম অধিকার প্রদানের ক্ষেত্রে চূড়ান্ত সিদ্ধান্ত নেওয়ার উপযুক্ত সময় বলে মন্তব্য করেছেন মুখ্যমন্ত্রী। ইউনিফর্ম সিভিল কোড অর্থাৎ অভিন্ন দেওয়ানি বিধি ভারত সরকার আনতে চলেছে বলে ঘোষণা করেছেন তিনি। প্রসঙ্গত দুদিনের সফরসূচি নিয়ে সোমবার যোরহাট এসে উপস্থিত হওয়া মুখ্যমন্ত্রী ড० হিমন্ত বিশ্ব শর্মা নানা সরকারি কর্মসূচিতে অংশগ্রহণ করছেন। মঙ্গলবারেও বিভিন্ন সরকারি কার্যসূচিতে অংশ নেওয়ার ফাঁকে সাংবাদিকদের সঙ্গে মতবিনিময়ে তিনি বলেন দুটি গুরুত্বপূর্ণ কথা রয়েছে। এখনো ভারত সরকার অভিন্ন দেওয়ানি বিধি আনতে চলেছে। অন্যদিকে এর সমান্তরাল ভাবে পলিগেমি অর্থাৎ বহুবিবাহ বন্ধ করার জন্য অসম সরকার পদক্ষেপ নিচ্ছে। মুখ্যমন্ত্রী বলেন অভিন্ন দেওয়ানি বিধি অনুসারে মূলত বহুবিবাহ বন্ধ হওয়া উচিত। তাছাড়া সম্পত্তির উপর মহিলাদের সম অধিকারের বিষয় এই আইনে রয়েছে। সমাজে সর্বাধিক ভাবে পিছিয়ে থাকা অংশ হচ্ছে মুসলমান মহিলারা। ফলে মুসলিম মহিলা উত্থানের জন্য বহুবিবাহ বন্ধ হওয়া এবং সম্পত্তির উপরে তাদের সমান অধিকার প্রদান অত্যন্ত প্রয়োজন। তিনি বলেন এটা গত ৭৫ বছরের পেস্তিং থাকা একটি বিষয়। ফলে অমৃত কালে এই বিষয়টি সমাধান হওয়ার প্রয়োজনীয়তা রয়েছে।



করছে। তবে রাজ্যের একজন মুখ্যমন্ত্রী হিসাবে মুখ্যমন্ত্রী ড० হিমন্ত বিশ্ব শর্মা। বিজেপির কোনো পশ্চিমবঙ্গের পঞ্চায়েত নির্বাচনের হিংসাত্মক ঘটনা সন্দেহে তিনি কিছু বলতে চান না বলে মন্তব্য করেন

এদিকে পশ্চিমবঙ্গের পঞ্চায়েত নির্বাচনে সংঘটিত হিংসাত্মক ঘটনা সম্পর্কে সাংবাদিকদের প্রশ্নের জবাবে মুখ্যমন্ত্রী ড० হিমন্ত বিশ্ব শর্মা প্রতিক্রিয়া প্রকাশ করেছেন। তিনি জানান পশ্চিমবঙ্গের পঞ্চায়েত নির্বাচনের হিংসাত্মক ঘটনার জেরে প্রায় দেড়শ ব্যক্তি অসমে আশ্রয় নিয়েছেন। সেই রাজ্যের পঞ্চায়েত নির্বাচনের ভুক্তভোগী ১৩৬ জন ব্যক্তি বর্তমান ধুবড়ীর শরণার্থী শিবিরে আশ্রয় নিয়েছেন। অসম সরকার প্রত্যেকের জন্য খাদ্য, পানীয় জল, সুরক্ষা ব্যবস্থা, স্বাস্থ্য ব্যবস্থা তথা প্রয়োজনীয় ওষুধপত্র বিতরণ

করছে। তবে রাজ্যের একজন মুখ্যমন্ত্রী হিসাবে মুখ্যমন্ত্রী ড० হিমন্ত বিশ্ব শর্মা। বিজেপির কোনো পশ্চিমবঙ্গের পঞ্চায়েত নির্বাচনের হিংসাত্মক ঘটনা সন্দেহে তিনি কিছু বলতে চান না বলে মন্তব্য করেন

দুর্নীতিগ্রস্ত এবং অপরাধে জড়িত পুলিশের বিরুদ্ধে আকশন অব্যাহত থাকবে বলে মন্তব্য মুখ্যমন্ত্রী ড० হিমন্ত বিশ্ব শর্মা

রাজ্যের ৮০ শতাংশ পুলিশ সঠিক রকমেই বন্ধে অসম শান্তিতে আশ্বাস
সব্যসাচী শর্মা
গুয়াহাটি : অসম পুলিশের দুর্নীতিগ্রস্ত এবং অপরাধমূলক ঘটনা জড়িত পুলিশ অফিসার এবং কর্মীদের বিরুদ্ধে ব্যাপক সক্রিয় হয়ে রয়েছেন ডিজিপি জিপি সিংহ। ইতিমধ্যে বেশ কয়েকজন পুলিশকে শুধুমাত্র নিলম্বন করা নয় চাকরির থেকে পর্যন্ত বরখাস্ত করেছেন তিনি। এক্ষেত্রে মুখ্যমন্ত্রী ড० হিমন্ত বিশ্ব শর্মা সমানভাবে তৎপর রয়েছেন। তিনি বলেন দুর্নীতিগ্রস্ত এবং অপরাধে জড়িত পুলিশের বিরুদ্ধে আকশন অব্যাহত থাকবে। তবে প্রত্যেক জন

পুলিশ দোষী নন বলে উল্লেখ করেন মুখ্যমন্ত্রী। তিনি বলেছেন রাজ্যের ৮০ শতাংশ পুলিশ সঠিক রয়েছেন বলে শান্তিতে আছে অসম। উল্লেখ্য দুদিনের সফরসূচি নিয়ে সোমবার যোরহাট এসে উপস্থিত হওয়া মুখ্যমন্ত্রী ড० হিমন্ত বিশ্ব শর্মা নানা সরকারি কর্মসূচিতে অংশগ্রহণ করছেন। মঙ্গলবারেও বিভিন্ন সরকারি কার্যসূচিতে অংশ নেওয়ার ফাঁকে সাংবাদিকদের সঙ্গে মতবিনিময়ে তিনি বলেন ২০২৬ সালের মধ্যে বহু পুলিশের চাকরি যাবে। তবে দুর্নীতিগ্রস্ত এবং অপরাধী লিপ্ত এই পুলিশ বিজেপি সরকারের আমলে নিযুক্তি প্রাপ্ত নয়। তবে এটাও স্বীকার করে নিতে হবে যে

পুলিশে আজও ৮০ শতাংশ ভালো ব্যক্তি রয়েছেন। ২০ শতাংশ ভালো মানুষ নেই বলে মন্তব্য করেছেন তিনি। মুখ্যমন্ত্রী বলেন রাজ্যে প্রায় পঞ্চাশ হাজার পুলিশ রয়েছেন। তারমধ্যে দশ হাজার এমন পুলিশ রয়েছেন যাদের প্রতি নজর রাখতে হবে কিংবা তাদের খতিয়ে দেখতে হবে। ১০০০০ মতো শুধুমাত্র ৪৫ দিনের বিরুদ্ধে আকশন হয়েছে। ফলে সন্তোষ্য ব্যবস্থা নেওয়ার তালিকাটি দীর্ঘ বলে উল্লেখ করলেন তিনি। মুখ্যমন্ত্রী ড० হিমন্ত বিশ্ব শর্মা বলেন পুলিশে ৮০ শতাংশ ভালো ব্যক্তি রয়েছেন। অন্যথায় অসমে আজ এত শান্তিতে থাকা যেতো না। বর্তমান

রাজ্যে বোমা নেই, সন্ত্রাস নেই, কিছু নেই। প্রতিবেশী রাজ্যগুলো থেকে অসমের পরিবেশ বহু গুণে ভালো। এর জন্য পুলিশের ভালো গুনটি বলতে হবে এবং খারাপ কাজ গুলোর কথাও বলতে হবে। খারাপ কাজগুলো দেখিয়ে দিতে হবে বলে মন্তব্য করেন মুখ্যমন্ত্রী। অন্যদিকে মনিপুর সংক্রান্তে প্রতি কে প্রকাশ করে তিনি বলেন বর্তমান মনিপুরের পরিস্থিতি বর্তমান যথেষ্ট স্বাভাবিক। তাছাড়া রাজ্যটির পরিস্থিতি আরও স্বাভাবিক করার প্রচেষ্টা অব্যাহত রয়েছে বলে জানান মুখ্যমন্ত্রী ড० হিমন্ত বিশ্ব শর্মা।



ন্যাটোর সম্মেলনেও অ্যাশেজের উত্তেজনা



ভিলনিয়াস (ওয়েবডেস্ক) : অস্ট্রেলিয়ার প্রধানমন্ত্রী চেয়েছিলেন প্যাট কামিনের মতো বাউন্সার দিয়ে 'প্রতিপক্ষ'কে কুপোকাত করতে। তবে ব্রিটিশ প্রধানমন্ত্রী ঠিকই তৈরি ছিলেনহেডিংলিতে মার্ক উডের মতো। দুই দেশের প্রধানমন্ত্রীর সৌজন্য সাক্ষাতে রাজনৈতিক আলোচনা ছাপিয়েও যেন বড় হয়ে এল অ্যাশেজ! অস্ট্রেলিয়ার প্রধানমন্ত্রী অ্যান্থনি অ্যালবানিজ ও যুক্তরাজ্যের প্রধানমন্ত্রী ঋষি সুনাকের দেখা হয়েছিল লিথুয়ানিয়ার রাজধানী ভিলনিয়াসে অনুষ্ঠিত ন্যাটোর শীর্ষ সম্মেলনে। অ্যালবানিজের টুইট অনুযায়ী, সেখানে দুজনের মধ্যে 'অকাস (অস্ট্রেলিয়া, যুক্তরাজ্য ও যুক্তরাষ্ট্রের মধ্যে হওয়া নিরাপত্তা সমঝোতা), প্রযুক্তি আদান-প্রদান, অর্থনৈতিক চ্যালেঞ্জের সঙ্গে দুই দেশের মুক্ত বাণিজ্য সমঝোতা' নিয়ে আলোচনা হয়েছে। তবে অনুমিতভাবেই তাঁরা 'অ্যাশেজ নিয়েও আলোচনা' করেছেন। অ্যাশেজ নিয়ে সে আলোচনা কেমন ছিল, অ্যালবানিজের টুইটারে পোস্ট করা ভিডিওতেই আছে সেটি। সেখানে দেখা যায়, দুজনের দেখা হওয়ার পর টেবিল থেকে একটি কাগজ তুলে নেন অ্যালবানিজ। তাতে ছাপা অক্ষরে বড় করে লেখা ২-১। তার নিচে দুই দেশের নামও আছে। ২-১ যে ৩ ম্যাচ শেষে অ্যাশেজের স্কোরলাইন, সেটি বোঝা যায় সহজেই। অ্যালবানিজের এমন বাউন্সারে অবশ্য মোটেও ভড়কে যাননি সুনাক। প্রায় সঙ্গে সঙ্গেই তিনি বের করে আনেন একটি ছবি, যেন জানতেনই অস্ট্রেলিয়ার প্রধানমন্ত্রী এমন কিছু করবেন। সুনাকের ওই ছবিতে দেখা যায় মার্ক উড ও ক্রিস ওকস আলিঙ্গন করছেন, হেডিংলিতে ইংল্যান্ডের ৩ উইকেটের রোমাঞ্চকর জয়ের পর। অ্যালবানিজ অবশ্য সেখানেই থামেননি। তিনি চেয়েছিলেন আরেকটু 'উত্তেজনা' ছড়াতে। এবার তিনি বের করে আনেন আরেকটি ছবি। যাতে ক্রিজ ছেড়ে বেরিয়ে যাচ্ছেন জনি বেয়ারস্টো।

হেডিংলির আগে লর্ডস টেস্টের দ্বিতীয় ইনিংসে ওভারের শেষ বলটি ডেড হওয়ার আগেই ক্রিজ ছেড়ে বেরিয়ে স্ট্যান্ডপড হয়েছিলেন বেয়ারস্টো। যে আউট নিয়ে তৈরি হয় বিতর্ক। তিনি বলেছিলেন, 'সেই পুরোনো অজিরা, সব সময়ই জেতে!' তবে এবার অ্যালবানিজের এ ডেলিভারির ভালো জবাবই দেন সুনাক। হাসতে হাসতে বলেন, 'দুঃখিত, আমি সঙ্গে স্যান্ডপেপার আনি।' সুনাক ইঙ্গিত করেছেন ২০১৮ সালে বল টেম্পারিং ঘটনার দিকে। যে কাণ্ডের পর নিষিদ্ধ হয়েছিলেন তখনকার অস্ট্রেলিয়া অধিনায়ক স্টিভেন স্মিথ ও সহঅধিনায়ক ডেভিড ওয়ার্নার। তবে সুনাকের সে জবাবের দিকে অ্যালবানিজ যে খুব মনোযোগ দিয়েছেন, তা বলা যাবে না। তখনো তিনি পা দিয়ে মেঝেতে কল্লিত দাগ কেটে ক্রিজ বোঝাতে ব্যস্ত! পরে সুনাক দুজনের সাক্ষাতের একটা ছবি পোস্ট করে টুইটারে লিখেছেন, 'আমি অ্যান্থনি অ্যালবানিজকে কথা দিয়েছিলাম, তাকে আমাদের একটা ফোল্ডার দেব। স্বাভাবিকভাবেই গত সপ্তাহে কী হয়েছে, সেটি মনে করিয়ে দেওয়া হয়েছে তাতে।' এরপর সুনাক যোগ করেছেন, 'আর দুটি ম্যাচ বাকি'। ন্যাটোর শীর্ষ সম্মেলনের এ সাক্ষাতে দুই দেশের প্রধানমন্ত্রীর একে অপরকে অ্যাশেজসংক্রান্ত ছবি দেওয়ার ভাবনা নিতান্তই কাকতালীয় বলে দ্য গার্ডিয়ানকে জানিয়েছে ব্রিটিশ সরকারের একটি সূত্র। দুজনের সাক্ষাৎ বেশ বন্ধুত্বপূর্ণ ছিল বলেও জানানো হয়েছে। তবে সে বন্ধুত্বপূর্ণ সাক্ষাতে যে অ্যাশেজের প্রতিদ্বন্দ্বিতার ঝাঁজ ছিল, সেটি তো স্পষ্টই!

ধবলখোলাইয়ের শঙ্কা উড়িয়ে নতুন রেকর্ড গড়ল শ্রীলঙ্কা

কলম্বো (ওয়েবডেস্ক) : ধবলখোলাই হওয়ার শঙ্কা নিয়েই আজ কলম্বোর পি সারা ওভালে তৃতীয় টিটোয়েন্টিটা খেলতে নেমেছিল শ্রীলঙ্কা নারী দল। শঙ্কাটকা দূর করে নিউজিল্যান্ডের বিপক্ষে সেই ম্যাচটা কী দাপটেই না জিতল লঙ্কানরা। ১০ উইকেটের জয়ে এক গাদা রেকর্ডও সঙ্গী হয়েছে চামারি আতাপাত্তদের। মেয়েদের টিটোয়েন্টিতে সবচেয়ে বেশি রান তাতা করে ১০ উইকেটে জয়ের নতুন রেকর্ড গড়েছে শ্রীলঙ্কা নারী দল। নিউজিল্যান্ডকে ১৪০ রানে থামিয়ে লঙ্কটা ৩৬ বল হাতে রেখেই পেরিয়ে যায় দলটি। লঙ্কান মেয়েরা ভেঙেছেন নিউজিল্যান্ডেরই রেকর্ড। ২০১৮ সালে ডাবলিনে আয়ারল্যান্ডকে ১০ উইকেটে হারিয়েছিল কিউই নারী দল, সেবার তাদের লঙ্কা ছিল ১৩৭ রান। প্রথম দুই ম্যাচ জিতেই সিরিজ জয় নিশ্চিত করা নিউজিল্যান্ড আজ ১৯তম ওভারটা শুরু করেছিল ৫ উইকেটে ১৩৫ রান নিয়ে। সেখান থেকেই শেষ ২ ওভারে আরও ৪ উইকেট হারিয়ে মাত্র ৫ রান যোগ করতে পারে দলটি।

নিজেই ফেব্রিট দাবি জোকোভিচের

লন্ডন: রাফায়েল নাদালের প্রিয় প্রাঙ্গণ রোলান্দ গারোয় গত মাসে ফ্রেঞ্চ ওপেন জিতে নাদালকেই ছাড়িয়ে গেছেন নোভাক জোকোভিচ। জিতেছেন ২৩তম গ্র্যান্ড স্লাম। এবার যে নিজেই সবার ধরাছোয়ার বাইরে নিতে চাইছেন, সেটা তাঁর পারফরম্যান্সের সঙ্গে কথাতেও স্পষ্ট। জোকোর দাবি, উইম্বলডনের শিরোপাদৌড়ে তিনিই এগিয়ে। গত রাতে রাশিয়ার আন্দ্রেই রুবলেভকে ৪-৬, ৬-১, ৬-৪, ৬-৩ গেমে হারিয়ে উইম্বলডনের সেমিফাইনালে উঠেছেন জোকো। গ্র্যান্ড স্লাম ট্রফিতে চুমু আঁকা য়ার অভ্যাস, তাঁর কাছে সেমিফাইনাল আর এমন কী! ৩৬ বছর বয়সী টেনিস কিংবদন্তি শেষ চারে নাম লেখাতে না পারলেই বরং অবিশ্বাস্য লাগত। তবু এ ম্যাচ এতটা আলোচনায় এসেছে রজার ফেদেরারকে ছুঁয়ে জোকোর আত্মবিশ্বাসের কারণে। কালকের জয়ে উইম্বলডনে টানা পঞ্চম ও সব মিলিয়ে ১২ বার সেমিফাইনালে উঠেছেন জোকোভিচ। আর গ্র্যান্ড স্লামে ফেদেরারের ৪৬ বার শেষ চারে ওঠার রেকর্ডে ভাগ বসিয়েছেন। তবে এটুকুতেই হয়তো সন্তুষ্ট নন, সর্বোচ্চ ৮ উইম্বলডন জয়েও ফেদেরারকে ছুঁতে চান।

লন্ডনের অল ইংল্যান্ড ক্লাবে এখন পর্যন্ত ৭ বার ট্রফি উঁচিয়ে ধরা জোকোভিচ বলেছেন, 'শুধুতে অহংকারী মনে হতে পারে। তবে আমি নিজেই ফেব্রিট মনে করছি। এখানে সর্বশেষ চারটি শিরোপা জিতেছে। ফলের ভিত্তিতে নিজের ক্যারিয়ারকে বিচার করলে এবারও না জেতার কোনো কারণ নেই!'



কাল কোর্টে নেমে আরেকটি মাইলফলক ছুঁয়েছেন জোকোভিচ। রুবলেভের বিপক্ষে ম্যাচটা ছিল তাঁর গ্র্যান্ড স্লাম ক্যারিয়ারের ৪০০তম। রুশ প্রতিপক্ষকে হারিয়ে সেন্টার কোর্টে এক দশক অজেয় থাকার কীর্তিও গড়েছেন। সবাই তাঁকে হারাতে চান, ব্যাপারটা বেশ উপভোগ করেন সার্বিয়ান মহাতারকা, 'যেকোনো খেলোয়াড় এমন উচ্চতায় উঠতে চায়, যাকে বাকিরা হারাতে চায়। যতবার কোর্টে নামি, ততবারই চাপে থাকি। তারা আমাকে পরাস্ত করতে চায়, জয় চায়। কিন্তু আমি হতে দিই না। আমি এটা (চ্যালেঞ্জ) ভালোবাসি।'

এটিপি র্যাঙ্কিংয়ের সাথে থাকা রুবলেভ এ পর্যন্ত ৮ বার গ্র্যান্ড স্লামের কোয়ার্টার ফাইনালে উঠে সববারই হেরে গেলেন। প্রথম সেট জিতে এগিয়ে গিয়েও বিদায় নিতে হওয়া যতটা না নিজের ভুল খুঁজে পেয়েছেন, তার চেয়ে বেশি জোকোভিচকে প্রশংসায় ভাসিয়েছেন, 'কিঞ্চিৎ সম্ভাবনা সৃষ্টি করেছিলাম। কিন্তু পারিনি। তিনি পেরেছেন। এ কারণেই তিনি নোভাক (জোকোভিচ), ইতিহাসের অন্যতম সেরা খেলোয়াড়।' জোকোভিচ যতই আত্মবিশ্বাসী হন, ২৪তম গ্র্যান্ড স্লাম জেতা খুব একটা সহজ হবে না। র্যাঙ্কিংয়ের এক নম্বর তারকা কালোস

আলকারাজ ও তিনে থাকা দানিল মেদভেভেভও যে লড়াইয়ে ভালোভাবেই আছেন। ২০ বছর পর টেনিসের তিন নক্ষত্রের বাইরে (ফেদেরার, নাদাল, জোকোভিচ) শীর্ষ বাছাই হিসেবে উইম্বলডনে নাম লিখিয়ে নিজের সামর্থ্যের জানান আগেই দিয়ে রেখেছেন আলকারাজ। আজ তৃতীয় ও চতুর্থ কোয়ার্টার ফাইনাল জিততে পারলে সেমিফাইনালে আলকারাজ মেদভেভেভ মুখোমুখি হবেন। অতি আত্মবিশ্বাসী জোকোভিচকে এখনই ফাইনালে তুলে দিলে তাঁর প্রতিপক্ষ হতে পারেন আলকারাজ মেদভেভেভের মতো যেকোনো একজন।

মেসি জানেন অবসর দূরে নেই, কিন্তু কবে তা জানেন না

প্যারিস : আর্জেন্টিনা জাতীয় দলে লিওনেল মেসি আর কত দিন খেলবেন? প্রশ্নটা এখন ওঠাটাই স্বাভাবিক। ফুটবল থেকে মেসির পাওয়ার আর কিছু নেই। ইউরোপে দীর্ঘ ক্লাব ক্যারিয়ারে পেয়েছেন প্রায় সব সাক্ষাৎ। দেশের হয়ে জিতেছেন কোপা আমেরিকা ও বিশ্বকাপ। ইউরোপের ফুটবল ছেড়ে যুক্তরাষ্ট্রের মেজর লিগ সকারের দল ইন্টার মায়ামিতে যোগ দেওয়াটা কি তাঁর শেষের শুরু? এ নিয়ে জল্পনা কল্পনা তো আছেই। যুক্তরাষ্ট্রের মেজর লিগ (এমএলএস) ইউরোপের তুলনায় কম প্রতিদ্বন্দ্বিতাপূর্ণ। সেখানে প্রত্যাশার চাপ অনেক কম। মেসির মতো খেলোয়াড় যখন সেখানে নাম লেখান, তখন ধরে নেওয়া যেতেই পারে, ক্যারিয়ারের শেষ কয়টা দিন একটু আনন্দ, একটু চাপমুক্ত থেকে খেলাই মেসির লক্ষ্য। যুক্তরাষ্ট্রের লিগে ক্যারিয়ারের গোথুলিলগ্নে পেলো, বেকেনবাওয়ার, গার্ড মুলা, ইয়োহান ক্রুইফদের মতো অনেক ফুটবলারই খেলেছেন। তাই যুক্তরাষ্ট্রে খেলাটা যদি মেসির ক্যারিয়ারের শেষ অধ্যায় ধরে নেওয়া হয়, তাহলে দোষ দেওয়া যায় না।

২০২২ কাতার বিশ্বকাপ না জিতলে সেটিই হতো মেসির শেষ। এ কথা আর্জেন্টাইন তারকা নিজেই বলেছেন। বিশ্বকাপ জেতার পর তিনি আর্জেন্টিনার জার্সি ছাড়েননি। বুকে 'তিন তারকা' (আর্জেন্টিনার তিন বিশ্বকাপ জয়ের প্রতীক) নিয়ে খেলে যাচ্ছেন। ভক্তসমর্থকেরা আশাবাদী ছিলেন ২০২৬ সালে যুক্তরাষ্ট্র, কানাডা ও মেক্সিকোতে অনুষ্ঠেয় পরের বিশ্বকাপে হয়তো তাঁকে দেখা যাবে। কিন্তু মেসি কিছুদিন আগে নিজেই জানিয়ে দিয়েছেন, সে পর্যন্ত হয়তো তিনি থাকবেন না। তবে নির্দিষ্ট করে কিছুই

বলেননি। আর্জেন্টিনার টিভি চ্যানেল টিভি পাবলিকাকে দেওয়া সাক্ষাৎকারে অবসর নিয়ে কথা বলেছেন ৩৬ বছর বয়সী মেসি। আর্জেন্টিনার সাংবাদিক সোফি মার্তিনেজকে এই সাক্ষাৎকার মেসি দিয়েছিলেন গত মাসে চীন সফরের সময়। সেটি এত দিনে প্রকাশ করেছি টিভি পাবলিকা। সেই সাক্ষাৎকারের একটি অংশে আর্জেন্টিনা দলের কয়েকজন সতীর্থও মেসিকে প্রশ্ন করেছেন। তাঁদের মধ্যে ছিলেন হুলিয়ান আলভারেজ, লিসান্দ্রো মার্তিনেজ, এডেকুয়েল পালাসিও, নিকোলাস তালিয়াফিকা, নাথয়েল মলিনা, আনহেল দি মারিয়া, মার্কোস আকুনা ও হেরমান পেসেলা। এডেকুয়েল পালাসিও মেসিকে প্রশ্ন করেছিলেন তাঁর অবসর নিয়ে আর্জেন্টিনা জাতীয় দলের জার্সি কবে তুলে রাখতে পারেন? উত্তরে মেসি নির্দিষ্ট করে কিছুই বলেননি, 'সত্যি বলতে, আমি জানি না কবে। আমার মনে হয় এটা যখন হওয়ার তখনই হবে। মানে, সবকিছু জিতেছি বেশি দিন তো হয়নি। এখন সময়টা উপভোগের। অবসর নেওয়ার মুহূর্তটা কখন সেটা সৃষ্টিকর্তাই বুঝিয়ে দেবেন।' তবে মেসি মোটামুটি পরিষ্কার করেই বুঝিয়ে দিয়েছেন অবসর বেশি দূরে নেই, 'যুক্তিতে যেটা আসে, আমার বয়সে তাকিয়ে বলতে পারি, শিগগিরই সেই সময়টা আসবে। তবে এই মুহূর্তে বলতে পারছি না সেটা কখন।'

আর্জেন্টিনার জার্সিতে একসময় খুব কঠিন কেটেছে মেসি। তখন দেশকে কোনো শিরোপা জেতাতে পারছিলেন না। টানা দুটি কোপা আমেরিকার ফাইনালে হারের পাশাপাশি ২০১৪ বিশ্বকাপ ফাইনালে উঠেও হেরেছেন। ২০২১ সাল থেকে পরিস্থিতি পাল্টেছে। আর্জেন্টিনার হয়ে 'কিছুই না জেতা' মেসি একে একে জিতেছেন কোপা আমেরিকা, কোপা ফিনালেসিমা ও বিশ্বকাপ। আনন্দে মুহূর্তেও অতীতের দুঃস্বপ্নগুলো মনে হয়েছে। আর্জেন্টাইন তারকা এখনকার সময়টা উপভোগ করতে চান, 'আপাতত প্রতিটি দিনই উপভোগের কথা ভাবি। জাতীয় দলের হয়ে আমরা খুব কঠিন সময় পার করেছি। সৌভাগ্যবশত কোপা আমেরিকা ও বিশ্বকাপে চ্যাম্পিয়ন হতে পেরেছি। সময়টা তাই এখন উপভোগের।'



Compra Ahora
www.indiyafashion.com

indiyafashion
La moda india en modo modern

Nuevas colecciones
• Ropa India y Accesorios • Vestido • Vestido Superior
• Faldas, Partalon Cubieratade cousion, Zapatos,
Lámpara • Bolso/Cartera Y otros Accesorios
.....y muchos más

Akki Media y Ropa India spa
IMPORTADORA

IMPORTACION/VENTA DE ROPA INDIA Y ACCESORIOS
SALVADOR SANFUENTES # 2647, MALL PLAZA LILA MALL, LOCAL No. 201
Fono :- 932936142, WhatsApp : +91 9958050095
https://www.facebook.com/INDIYAFASHION/

IMPORTACION DIRECTA DE INDIA
ELIJA SU ESTILO

RASIKA
Clothing Line
Made in India

